



Universitätsbibliothek Paderborn

**Theologia Moralis Universa, Complectens Omnia Morum
Præcepta, Et Principia Decisionis Omnium Conscientiæ
Casuum, Suis Quæque Momentis Stabilita**

Ad usum Parochorum, & Confessariorum

Continens Tractatus de Conscientia, de Legibus, de Peccatis, de Virtutibus
Theologicis, de Religione, & Beneficiis. Adjunctis in hac editione
Propositionibus ad hanc usque proscriptis

Antoine, Paul-Gabriel

Ingolstadii, 1734

VD18 90392140

Q. 2. Quandonam obligat præceptum fidem exteriùs confitendi.

urn:nbn:de:hbz:466:1-40986

Resp. Aff. Constat 1. ex Rom. 10. *Cerde creditur ad justitiam: ergo autem Confessio fit ad salutem.* & ex Luc. 9. infra citand. 2. Ex SS. Patribus pro omnibus sit S. August. lib. de fide, & Symb. cap. 1. *Fides Officium à nobis exigit, & Cordis, & Linguae.* 3. Ex perpetuo usu, ac sensu Ecclesiæ, & verò honor auctoritati Dei revealantis debitus exigit, ut non solum a sensu interno, sed etiam professione externa cù adhæreamus, & nos subjiciamus.

Hoc præceptum quatenus est negativum, prohibet pro quolibet tempore negationem Fidei etiam merè externam; & quatenus affirmativum, præcipit Confessionem externam pro certo tempore.

Q. 2. *Quandonam obligat præceptum fidem exterius confitendi?*

Resp. Ex communi, obligat etiam cum vitæ damno, quoties per ejus omissionem subtraheretur honor Deo debitus, vel utilitas proximo impendenda: ut cùm prudenter speratur ex Confessione Fidei conversio infidelium, vel confirmatio fideliūm infirmorum, qui alias vacillaturi, aut fidem negaturi putentur; aut quando ex taciturnitate sequeretur contemptus Religionis, vel scandalum, vel confirmatio in errore, perversio aliquorum; aut mi-

nue-

nueretur apud infideles existimatio de Deo, vel Religione Christiana; aut omissionis Confessionis censeretur implicita Fidei negatio. Ita S. Thom. 2. 2. q. 3. a. 2, Confiteri, inquit, fidem non semper, neque in quolibet loco, est de necessitate salutis, sed in aliquo loco & tempore, quando scilicet per omissionem hujus Confessionis subtraheretur honor debitus, Deo & etiam utilitas proximis impendenda: puta si aliquis interrogatus de fide taceret, & ex hoc crederetur, vel quod non haberet fidem, vel quod fides non esset vera, vel alii per ejus taciturnitatem averterentur a fide: in hujusmodi enim casibus Confessio Fidei est de necessitate salutis. Et ad 2. in casu necessitatis, ubi fides periclitatur, quilibet tenetur fidem suam aliis propalare, vel ad instructionem aliorum fidelium, sive confirmationem; vel ad reprimendam infidelium insultationem.

Prob. 1. ex Luc. 9. *Qui me erubuerit, & meos sermones, hunc filius hominis erubescet, cum venerit in maiestate sua.* At tunc non confiteri claram, & aperte fidem, cum adeat tam gravis causa eam exterius confitendi, est Christum, & ejus Doctrinam erubescere. 2. *Quia actus cuiuslibet virtutis, sive internus, sive externus praeceptus est, cum necessarius est ad finem praecepti, qui est charitas juxta illud 1. ad Tim. 1. Finis praecepti est charitas de*

de corde puro, & conscientia bona, & fide non ficta. At in prædictis casibus professio Fidei necessaria est ad charitatem Dei, & proximi. Ergo.

Dixi, clare, & aperte; nam qui utitur verbis ambiguis, quæ ab interrogante accipiantur pro negatione, erubescit sane professionem Doctrinæ Christianæ, ut notant Suarez, & De Lugo.

Quisque etiam tenetur impedire, si potest, peccata contra fidem, & Religionem: nam quælibet virtus obligat ad impedienda, quæ illi adversantur; & alioquin Deus afficeretur injuriâ. Quare si videas Dei nomen blasphemari, vel dogmata Fidei impugnari, honorem Dei laedi, Religionem contemni, sacras Virgines, vel Templa profanari, &c. Hæc impedi-re, si possis, teneris etiam cum periculo vi-tæ: nam tunc Dei honor debitus, & sacro-rum reverentia, & charitas in Deum id exigunt. Secùs, si prudenter judices op-positionem tuam magis obfuturam, quam profuturam.

Item tenemur veritates practicas non minus, quam speculativas à Christo tradi-tas factò, & dicto profiteri, & tueri non solùm coram infidelibus, sed etiam coram mundanis hominibus, quando honor Christi, vel ædificatio proximi id exigit: nam generaliter Christus dixit: *Qui me*

674-

*erubuerit, & meos sermones, hunc filius
hominis erubescet.*

*Q 3. An licet aliquando fidem exterius
tantum negare ad vitandam mor-
tem, & dira supplicia?*

*Resp. Nunquam licet. Prob. 1. ex Mat.
10. Qui negaverit me coram hominibus,
negabo & ego eum coram Patre meo. 2.
Ex perpetua Traditione, & praxi Ecclesie,
quæ id ut gravissimum crimen semper ha-
buit; & Helcefeitas ut haereticos damna-
vit, quod dicerent id licere, modò fides in
corde retineretur; & gravissimis poenis
multabat eos, qui in persecutionibus fidem
Christi negabant tantum exterius ad mor-
tem acerbissimam vitandam. 3. Illa ne-
gatio exterior est mendacium perniciosum
in re gravissima; & gravem injuriam Deo
infert exterius protestando eum non esse,
summè veracem. Item dedecus est Domi-
ni, quod servus dignetur eum pro Do-
mino fateri, & eo ipso negat ei cultum de-
bitum.*

*Hinc Catholicus à quovis interrogatus
de sua Religione peccaret graviter contra
fidem 1. Negando se esse Christianum, vel
Catholicum; quia negaret se veram Chri-
sti fidem tenere. 2. Respondendo se esse
Turcam, vel Judæum aut Gentilem; quia
hoc ipso negaret se esse Christianum. 3.
Di-*